

Headline	Dua spesies baru ditemui		
MediaTitle	Sinar Harian (Utara)		
Date	23 Dec 2012	Color	Full Color
Section	NEWS	Circulation	60,000
Page No	U27	Readership	180,000
Language	Malay	ArticleSize	165 cm ²
Journalist	N/A	AdValue	RM 908
Frequency	Daily	PR Value	RM 2,723



Dua spesies baru ditemui

LEDANG - Perbadanan Taman Negara Johor berjaya menemui dua spesies baru bunga orkid dan katak menerusi Ekspedisi Sainifik Endau Rompin Trans Selai-Peta, pada Julai lalu.

Pegawai Penyelidikannya, Lili Tokimin berkata, spesies itu adalah Scaphochlam Ys Sp yang ditemui di Sungai Marong, jenis tumbuhan kali pertama ditemui dalam bidang sains dan spesies endemik dinamakan Thottea

Praetermissa yang dijumpai di kawasan Upeh Guling berhampiran Taman Negara Endau Rompin.

"Turut ditemui satu spesies orkid hutan yang sebelum ini hanya pernah ditemui di Sumatera dan pertama kali ditemui di Semenanjung.

"Orkid dari spesies Phalaenopsis Zebrina itu adalah rekod baru di Semenanjung Malaysia," katanya ketika pembentangan Seminar Ekspedisi Saitifik Endau Rompin Trans Selai-Peta di Taman Negara Gunung Ledang yang melibatkan 100 peserta, kelmarin.

Lili berkata, penemuan itu akan dipaparkan dalam jurnal saintifik dan diketengahkan ke peringkat dunia supaya kajian lanjut dapat dilaku-



Orkid dari spesies Phalaenopsis Zebrina itu adalah rekod baru di Semenanjung Malaysia.

kan untuk mengenal pasti kepelbagaian flora serta fauna yang terdapat di hutan negara ini.

"Ekspedisi anjuran bersama Universiti Tun Hussien Onn Malaysia dan Persatuan Pencinta Alam Malaysia ini turut disertai pelbagai pihak termasuk universiti tempatan.

"Hasil daripada ekspedisi, Institut Penyelidikan Perhutanan Malaysia (FRIM) juga menemui dua spesies baru daripada keluarga halia serta tumbuh-

an renek yang pertama kali ditemui di dunia," katanya.

Pada pertemuan sama, beliau berkata, ekspedisi berkenaan turut menemui satu spesies katak baru di Taman Negara berkenaan daripada keluarga Rana Picturata berwarna hitam dan berbintik kuning.

Katanya, semua flora dan fauna terbabit ditemui di kawasan Taka Kunyit dekat Taman Negara Endau-Rompin.

Difahamkan, sebanyak 20 kertas kerja dibentangkan pada seminar itu oleh penyelidik daripada pelbagai universiti tempatan dan usaha akan diteruskan untuk mengenal pasti spesies baru dan langkah untuk terus memeliharanya.